



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Evaristus Summus Pontifex.

[urn:nbn:de:hbz:466:1-62332](https://nbn-resolving.org/urn:nbn:de:hbz:466:1-62332)

Domitianus cum ita in omnes saevissime grassaretur, à Stephano Flavie Domitillae Procuratore, aliisque conjuratis in suo cubiculo occiditur exactis Imperii annis quindecim. Successit Nerva à Domitiani interfectis Imperator salutaris; qui lata in Christianos edicta ex Senatus consulto rescidit; ve-tuitque quenquam accusari causa Religionis; missos vero in exilium revocavit. quare etiam Joannes è Patmos insula Ephe-sum revertitur. ubi Ecclesiam Apollonius Thyanaeus, perpetuus Joannis antagonista, suis praestigiis valde infestabat. qui tamen brevi post occultam mortem oppetiit, quò credi posset immor-talis, & in Caelum translatus; Joannes vero dein eps totius Asiae gubernavit Ecclesias, & Anacletus in Caelum abiit.

Joannes Ephesum re-vertitur. Hieron. de scrip-toribus Ec-clesiasticis.

Nerva Imp.

Evaristus Summus Pontifex.

Hic cum regnante Nerva Ecclesia pace fruere-tur, divisit in urbe Roma titulos Presbyteris, id est, domos Fi-delium Divino cultui destinatas; in quibus Christiani synaxes agere consueverant, quasque nos Ecclesias dicimus. Porro ti-tulus, quo Domus Divino cultui mancipabatur, fuit vexillum Crucis. qua ratione factum est, ut Ecclesia appellaretur Titu-lus, eoquod is, qui ei Presbyter adscriberetur, ab eo nomen titulumque acciperet. Cum tempore autem Romae mos obtinuit, ut non omnis Ecclesia Titulus diceretur, sed tantum Ecclesiae insigniores, quibus praeficerentur Cardinales. Septem quoque Diaconos ordinavit, qui Episcopo assisterent ob muneris Ma-jestatem in functionibus Episcopalibus. Atque inde per mul-ta saecula septem tantum in Ecclesia Romana Diaconi ministrarunt. Martyr deinde sub Hadriano Imperatore obiit, cum rexisset Ecclesiam tredecim annos, Joannes Apostolus Ephe-sum reversus rogatu Episcoporum Asiae Evangelium suum grae-cè scripsit, quo Divinitatem Christi contra ejus temporis haereticos fortissime defendit.

Ab Anno à Christi pas-sione 65. 67. Joannes scri-bit suum Evangelium: Hieron. de scriptoribus Ecclesiasticis.

Nerva, cum fieret Imperator, numerabat annos ætatis 65. Senio dicitur fatiscens, ut Imperio consuleret, præteritis sibi lan-guine junctis Trajanum natione Hispanum, qui tunc Germa-niae præerat, in Filium & Successorem adoptat, ac paulò post vitam functus eidem reliquit imperium. Hic magnus Deorum

Popularis persecutio in Christianos.

Sacra Veterum Temp. Histor.

Ecc

cul-

Trajanus Imperator.

cultor cum paulò post è Germania in Urbem venisset, nullis quidem & ipse nefastis edictis Ecclesiæ pacem turbavit; sed tamen popularibus persecutionibus hinc inde occasionem dedit suo rescripto, quo Provinciarum Præfectis præcepit, ut adhibita omni vigilantia impedirent, ne Christiani Collegia seu privatos conventus instituerent. habebant enim jam tunc Christiani ubique certas domos, cryptas, catacumbas Romanas, aliâque loca, in quibus certis temporibus conveniebant, orabant, atque alia Christianæ pietatis officia peragebant. quæ quidem orationum loca erant Fidelibus passim nota. rescripto quoque Cajo Plinio Bithyniæ Proconsuli de Christianis interroganti: non quidem in eos inquireret, delatos tamen puniret, si Diis nolent supplicare, seque Christianos negare. hinc factum est, ut Romanorum Gentilium tumultuantium odiis & clamoribus multi ad supplicia in Provinciis raperentur, & à Præfectis Christiano nomini magis infensis non alio crimine rei, nisi quòd Christiani essent, necarentur. qua in populari persecutione etiam Ignatius Antiochenæ Ecclesiæ Episcopus damnatus ad bestias Romam missus est, & in Amphitheatro publicè leonibus expositus, itaque bestiarum dentibus laniatus est, ut firmiora solum ossa superessent. Simeon quoque Ierosolymæ Episcopus jussu Attici Consularis in crucem actus est. Ephesi Onesimus Sancti Pauli discipulus, ibique post Timotheum Episcopus lapidibus obrutus, & alii plerique martyriò affecti sunt; præ cæteris enim Asiæ Proconsul Fideles tum persequabatur.

Joannes Apostolus moritur. Hieron. de script. Eccl.

Joannes scripto suo Evangelio reliquis duobus, quibus supervixit annis in ultima senectute ita viribus defecit, ut eum Ephesi inter Discipulorum manus ad Ecclesiam deferri necesse esset. In solitis allocutionibus ad Discipulos & fratres istud solum identidem concionabatur: *Filioli, diligite alterutrum;* non enim poterat in plura vocem verba contexere. Demum sexagesimo octavo post Passionem Domini anno & ipse, Apostolorum ultimus, in Cælum abiit. Cum
cujus vita Historia quoque Apostolica finem habet.

